

MODIFICACIÓNS DA PROPOSTA INICIAL E XUSTIFICACIÓN

Na proposta inicial, as prácticas guiadas serían gravadas ca aplicación Camtasia e contarían con audio. Decidín modificalas por prácticas realizadas ca aplicación freeware Wink e sen son polos seguintes motivos:

1. A elaboración das prácticas con Camtasia suporíame moito máis tempo do que esperaba inicialmente. Fixen unhas poucas e decidín desistir do seu uso (consumo de tempo e recursos) e empregar a aplicación Wink da que teño un maior dominio.
2. Na miña experiencia, contrastada con outros compañeiros, as prácticas con audio non soen ser utilizadas polo alumnado, que prefire usar os cascos para escoitar música de fondo. Na maioría dos "*frames*" procurei utilizar textos breves cunha linguaxe sinxela que faciliten o seguimento polo alumnado.

Outro cambio en relación á proposta inicial é a inexistencia de "exercicios de ampliación". Coido que as prácticas e exercicios que se propoñen abranguen a maioría das opcións usadas habitualmente con estas aplicacións polo que as considerei innecesarias.